

D'NIDDERAANWENER BRADERIE

e Fest fir d'Awunner, d'Veräiner an d'Betriber

LU

Munch ee géng behapten, dass d'Gemeng Nidderaanwen kee klasscheschen Duerfkär huet. Ma trotzdem gëtt et eng Plaz an der Gemeng, déi dëst Gefill vermëttelt: de Komplex „Am Sand“ mat sengem Centre commercial „Les Arcades Niederaanven“. Strategesch geleeën un der Route de Trèves, passéiert jiddereen hei laanscht, deen um Wee ass fir an d'Schoul, an d'Syrdall Schwemm, an den CIPA „Gréngewald“ oder och an de Centre polyvalent „Am Sand“.



SAVE THE DATE

Nidderaanwener

BRADERIE

25.04.26

Centre commercial Les Arcades
141, route de Trèves L-6940 Niederaanven

„Och wa mir eng lieweg Geschäftswelt queesch duerch d'Gemeng hunn, sinn d'Arcaden awer de kommerziellen Zentrum vun eiser Gemeng. An et ass och e wichtegt Element fir de sozialen Zesummenhalt vun eiser Gemeng. E „Lieu de rencontre“, sief et fir eng Taass Kaffi zesummen ze drénken, oder niewent de Kommissiounen maachen einfach e bëssen ze schnëssen.“

– Jacques Bauer, responsabele Schäfte fir de Commerce, d'Entreprises, den Horeca an den Tourismus an der Gemeng.

Fiert een d'Strooss era fir bei d'Arcaden, erkennt een direkt déi ganz besonnesch an attraktiv Architektur vum Akafszentrum. Am Géigesaz zu klasscheschen, zouene Shopping-Centere goufen d'Arcaden als oppenen Zentrum konzipéiert, bei deem all d'Geschäfte direkt vu bausen zougänglech sinn. Dëst Konzept erméiglecht kuerz Weeër, eng agreabel Akafserfarung an eng harmonesch In-

tegratioun an d'Uertsbild vun der Gemeng.

D'Offer vun den Arcaden zeechent sech duerch hir Villfalt a Qualitéit aus a deckt souwuel den deegleche Besoin, wéi och méi spezifesch Uleiessen of. D'Visiteure fannen hei nieft engem grouse Supermarché fir de Wochenakaf och eng Bäckerei, e Metzler, en Optiker, eng Bijouterie, en Zeitungsgeschäft, e Kanner-

buttek, e LEGO-Fachgeschäft an eng Kannerbicherei. D'Offer gëtt ergänzt duerch eng Botzerei, eng Reesagence, eng Immobilière, eng Versécherungsagence an technesch Dëngschtleeschunge wéi en Elektriker. E Laboratoire, souwéi e Coiffeur a verschidde Schéinheitsinstitutuer suerge fir d'medizinesch an d'ästhetesch Wuelbefannen.

LES ARCADES
CENTRE COMMERCIAL
NIDDERAANVEN



COSY VILLAGE SHOPPING
AER BUTTEKER AM DUEF

Schliisslech luedt de lokale chinesesche Restaurant um 1. Stack vun den Arcaden op e puer gemittlech Momenter bei engem gudden lessen an. An nächster Zukunft kënt nach e Blummegeschäft dobäi, wat d'Attraktivitéit vum Site weider verstärkt.

An hei, um Parking vun den Arcaden, lueden eng gutt Partie vun de Betriber de 25. Abrëll 2026 op eng nei Editioun vun der Nidderaanwener Braderie an.

D'Nidderaanwener Braderie ass d'Resultat vun enger Zesummenaarbecht vun der Gemeng mat de lokale Betriber an de Veräiner. Aus der Iddi eraus, eng Manifestatioun op d'Been ze stellen, bei där d'Betriber aus der Gemeng an de Fokus gesat, an de lokalen Handel gefërdert soll ginn, gouf 2023 d'Nidderaanwener Braderie an d'Liewe geruff. Doriwwer eraus setzt sech den aktuelle Schafferot scho vun Ufank un aktiv dofir an, d'Entreprise an der Gemeng ze fërderen an de lokale Commerce ze stäerken. Sou war d'Decisioun fir eng Nidderaanwener Braderie ze organiséiere schnell getraff.

Wéi ass eng Braderie esou wichteg? Fir d'Gemeng ass d'Braderie eng Plaz wou d'Äwunner sech begéine kënnen, e Fest fir d'ganz Famill an eng Méiglechkeet, fir de Wäert vum lokale Commerce an de Virdergrond ze stellen. Fir d'Betriber erméiglech d'Braderie, hir Wueren op engem konkreten Dag am Joer an de Fokus ze stellen a sech mat den anere Commerçanten zesummen ze dinn, fir esou vill ewéi méiglech Leit unzezéien. A fir d'Visiteuren, sief dat aus der Gemeng, mee awer och doriwwer eraus, ass et e flotte Rendez-vous fir d'Butteker an der Gemeng kennenzeléieren, déi eng oder aner Affär ze maachen, a virun Allem, e flotten Dag ze verbréngen.



„Säit déi lokal Betriber, zesumme mat der Gemeng, d'Braderie 2023 an d'Liewe geruff hunn, spieren ech en neien Enthusiasmus bei de Commerçanten. Ech freeë mech op déi 3. Editioun a fir d'Leit wäerten nees e flotten Dag a richtig gutt Affäre waarden!“

– Jacques Bauer, responsabele Schäfte fir de Commerce, d'Entreprise, den Horeca an den Tourismus an der Gemeng.



Version française de l'article →
Deutsche Version des Artikels →
English version of the article →



Ma d'Nidderaanwener Braderie ass awer wäit méi wéi just en Dag fir anzekafen. Vill lokal Veräiner aus der Gemeng sinn och mat hire Stänn op der Braderie vertrueden – eng flott Occasioun fir nei Memberen ze gewannen, hir Aarbecht virzustellen an de Benevolat ze stäerken. Niewent de flotte

Stänn vun de Commerçanten suergen och si fir Animatioun a Spiller fir Grouss a Kleng - an natierlech och fir lessen a Gedrénks!

Scho moies maachen d'Butteker hir Dieren op a riichte sou lues hir Stänn virun hire Geschäfte op. Wie fréi laanscht-

kënt, fir déi beschten Affären ze maachen, ka sech andeems schonn eng Taas Kaffi oder eng Mëtsch geneemegen. Ma viru Mëtteg wäerten lech awer schonn déi lokal Veräiner mat Gedrénks an lesse verwinne. Bis an de spéiden Nomëtteg waarden op lech Animatioun, Musek, gutt Stëmmung, kleng Iwwerraschungen an d'Méiglechkeet, d'Villfalt vun den Arcaden nach eng Kéier ganz nei ze erliewen.

Gitt lech Rendez-vous de Samschden, 25. Abrëll 2026 op der Nidderaanwener Braderie!